

January 1931

## 楊雄的姓

Zhongqin HUANG

Follow this and additional works at: [http://commons.ln.edu.hk/ljcs\\_1929](http://commons.ln.edu.hk/ljcs_1929)

 Part of the [Chinese Studies Commons](#)

---

### Recommended Citation

黃仲琴(1931)。楊雄的姓。《嶺南學報》，2(1)，13-18。檢自：[http://commons.ln.edu.hk/ljcs\\_1929/vol2/iss1/2](http://commons.ln.edu.hk/ljcs_1929/vol2/iss1/2)

This Article is brought to you for free and open access by the Scholarly Publications of Lingnan University (Guangzhou) at Digital Commons @ Lingnan University. It has been accepted for inclusion in 嶺南學報 Lingnan Journal (1929-1952) by an authorized editor of Digital Commons @ Lingnan University.

## 楊雄的姓

黃仲琴

去年，因為有人說：左丘明，是姓左；又有人說：是姓左丘，發生問題。我曾作一文，有所引證論列。但左與左丘，是單姓與複姓之異。又有同一姓，而此字與彼字不同者，如楊雄之姓，是楊字，抑係揚字，也是一個問題。

楊雄為我國聞人，在西漢之季，學術界中，占有相當位置。若他的姓，弄不清楚，也是憾事。茲將此問題，畧為談談。

一：說文中之楊字與揚字，

說文木部，楊，蒲柳也，從木易聲。𠄎部，揚，飛舉也，從手易聲。𠄎，古文揚，從支。是楊與揚不同。雖段注：楊與揚，均作與章切。又云：「古假楊為揚，故詩，楊之水，毛曰：楊，激揚也。廣雅曰：楊，揚也。佩觿曰：楊，柳也，亦州名。古書，州名，皆作楊矣。」然五經文字云：「楊，木名。揚，舉也，州名，取輕揚之義，亦合作此字，俗從木訛。」是關於州名，楊揚兩字，未可相混，但此所謂州名，係指貢禹揚州而言。子雲受氏於晉之楊，又當別論。

二，楊之受氏，

關於楊之受氏諸說：

蔡中郎集，司空楊秉碑曰：其先蓋周武王之穆，晉唐叔之后也。

末葉，以支子，食邑於楊，因氏焉。周家既微，裔胄無緒。暨漢興，烈祖楊熹，佐命征伐，封赤泉侯。嗣子業，絳冕相繼，公之不考以忠，考安登。公承風緒，世篤儒教。

林寶元和姓纂五曰：楊，周武王第三子，唐叔虞之後。至晉出公；遜於齊，生伯僑，歸周。天子封爲楊侯，子孫以國爲氏。一云：周宣王曾孫，封楊，爲晉所滅，其後爲氏焉。或曰：周景王之後。

唐書宰相世系表十一下曰：楊氏出自姬姓，周宣王子尙父，封爲楊侯。一云：晉武公子伯僑，生文，文生突。羊舌大夫也。又云：晉之公族，食邑於羊舌，凡三縣：一曰銅鞮，二曰楊氏，三曰平陽。突生職，職五子：赤，肸，鮒，虎，季夙。赤字伯華，爲銅鞮大夫，生子容；肸字叔向，鮒字叔魚，虎字叔熊，號羊舌四族。叔向晉太傅，食采楊氏，叔向生伯石，字食我，以邑爲氏，號曰羊石。黨於祁盈，盈得罪於晉，並滅羊石氏。叔向子孫，逃於華山仙谷，遂居華陰。有楊章者，生苞朗，苞爲韓襄王將，守脩武，子孫因居河內。朗爲秦將，封臨晉君，子孫因居馮翊。欸爲秦上卿，生碩，字太初，從沛公征伐，爲太史。八子：鵠，奮，儻，尅，熊，喜，鷗，離。喜字幼羅，漢赤泉嚴侯。生敷，字伯宗，赤泉定侯。生胤，字毋害。生廠，字君平，丞相安平敬侯。二子忠輝，忠安平頃侯，生譚，譚屬臨安平侯。二子寶並，寶字穉淵。二子震衡，震字伯起，大尉。五子牧里，秉讓，奉。牧字孟信，荊州刺史，富波侯，二子統馥。十世孫孕。孕六世孫渠，渠生鉉，燕北平郡守。生元壽，後魏武川鎮司馬。……

陳士元姓觴三。所言之楊姓源，與唐書宰相世系表同。所引之世本，與元和姓纂同。其引千家姓云：弘農凌廸知氏族博考：曰：楊氏有六：唐叔虞之後，封楊，以封爲氏。又周宣王子尙父，封後爲氏。

又周景王之後。又晉之公族楊，食邑於羊舌，凡三縣，一曰楊。又楊突，周賜姓獨孤氏，隋復本姓。又有莫胡胡盧氏，改爲楊氏。（自楊突以下，與本題無關，並錄之，以足六字之數。）

綜上所述，在楊雄之前，凡從木之楊姓，皆姬周之裔。

三，揚之受氏，

關於揚之受氏諸說：

陳士元姓臚三曰：揚，漢書，揚雄傳云：其先出自有周伯僑，以支庶，食采於晉之揚，因氏。合璧類姓云：揚雄自序，從手從易，則爲揚。與從木從易之楊，又爲一族。千家姓云：天水族。

康熙字典，揚雄自序曰：揚別爲一族，周宣王子尙父封揚侯，因氏。

綜上所述論之。揚出於伯僑，且爲天水族，與楊同。是楊揚二姓，並無歧異。又左傳，襄三年，晉揚干。古今人表，作楊干。文八年，晉解揚，史記十二諸侯表，作解揚。史記衛世家，嚴公揚，十二諸侯表，詩譜疏，引世家 並作楊。是亦楊揚二字通用之旁証。然郝公釗鍾：「用樂我嘉賓，及我正卿揚君霽君以萬年」。此器經吳憲齋審定爲晚周時物，是周季固有揚之一族也。張氏吉金貞石錄，宋太平興國三年，六月，五日，使帖，帖中，右贊善，通判軍府事，有姓揚者。是宋時猶存揚氏苗裔也。所以古今圖書集成氏族典二百二十五，謂鄭樵通志，合楊揚爲一姓，殊失考。（通志原文，係輯錄唐宰相世系表元和姓纂而成，）至上述揚姓所引之揚雄自序，根據亦甚薄弱，說見後。

四，結論

然則子雲之姓，究何字乎？以下所引證明之。

前漢書，揚雄傳上，揚雄，字子雲，蜀郡成都人也。其先出自有

周，伯僑者，以支庶，初食采於晉之揚，因氏焉。不知伯僑，周何別也。揚在河汾之間，（應劭曰：左傳霍楊韓魏，皆姬姓也。揚今河東揚縣）。周衰，而揚氏或稱侯，號曰：揚侯。會晉六卿爭權，韓魏趙興，而范中行知伯弊。當是時偁揚侯，（晉灼曰：漢名臣奏，載張衡說云：晉大夫食采於揚，爲揚氏。食我有罪，而揚氏滅。無揚侯。有揚侯，則非六卿所迫也。師古曰：晉說是也。雄之自序譜牒，蓋爲疏謬。范，中行，不與知伯同時滅，何得言當是時偁揚侯乎！）揚侯逃於楚巫山，因家焉。楚漢之興也，揚氏遡江，上處巴江州。而揚季官至廬江太守。漢元鼎間，避仇，復遡江，上處岷山之陽。世世以農桑爲業。自季至雄，五世而傳一子。故雄無它揚於蜀。（師古曰：蜀諸姓揚，皆非雄族。）

顧亭林日知錄，揚氏，漢書揚雄傳曰：其先，出自有周，伯僑者，以支庶，食采於晉之揚，因氏焉。揚在河汾之間。周衰，而揚氏或稱侯，號曰，揚侯。會晉六卿爭權，韓魏趙興。而范中行知伯弊。當是時，偁揚侯，揚侯逃於楚巫山，因家焉。此誤以揚侯，與揚食我，爲一人也。唐書，宰相世系表曰揚氏出自姬姓，周宣王子尙父，封爲揚侯，又云：晉之公族，食邑於羊舌，凡三縣：一曰銅鞮，二曰揚氏，三曰平陽。羊舌四族，叔向食采揚氏，其地平陽揚氏縣是也。及晉滅羊舌氏，而叔向子孫，逃於華山仙谷，遂居華陰。用修據此，以楊陽揚羊，四姓爲一，尤誤。按揚城，卽今之洪洞縣，本揚侯國。左氏；女叔侯所云：霍楊韓魏，皆姬姓也。而子雲反離騷，亦云：“有周氏之嬋媯兮，或鼻祖於汾隅。靈宗初謀伯僑兮，流于末之揚侯。”不知其字，何以爲揚？及其滅於晉，而爲大夫羊舌氏邑，則食我始見於傳，而楊朱與老子同時，又非羊舌之族也。……

段玉裁，經韻樓集，書漢書楊雄傳後，漢書楊雄傳贊曰：“雄之自序云爾，”自是總上一篇之辭。師古恐人疑爲結法言序目之辭，故注之曰：法言目之前，皆是雄本自序之文也。……唐初，自序已無單行之本，師古特就贊首一語顯之，……劉貢父漢書注云：“楊氏兩族，赤泉氏從木，子雲自叙其受氏從才。”而楊修書：稱修家子雲，又似震族。貢父所見雄前序，必是唐以後僞作。雄果自序其受氏從才不從木。漢書音義及師古注必載其說，何唐以前，並無此論？至宋而後有之。且班氏用序爲傳，何以不載？但曰：其先食采於揚，因氏焉。……漢書，地理志 河東郡楊縣 應仲遠 謂卽楊侯國。說左傳漢書家，未有謂其字從手者。僞自序，殆備合班傳 無它揚於蜀一語。師古注，固云：“蜀諸姓楊者，皆非雄族”，不言諸姓楊者，皆從木，與雄以才異也。廣韻從手揚字之下，不言姓。從木楊字注云：“姓出弘農天水二望，本自周宣王子尙父，幽王邑諸楊，號曰楊侯，後并於晉，因爲氏。”近時字書，又以此語，係之從手揚字之下，目爲揚雄自序，是又非貢父所見僞自序矣。今貢父所見僞自序，不知存否？而據班贊，知班傳之外，別無自序。其爲雄姓從才者，僞說也。

張埴，吉金貞石錄，太平興國三年使帖跋：劉氏漢書刊誤：楊氏有兩族，赤泉氏從木，子雲從手，而楊修稱曰：修家子雲。又似震族亦揚是。吳仁傑辨之，謂子雲先世楊食我，食采於揚而得姓，則皆氏木名之楊，明矣。……

觀上所述，子雲之姓，可以證明。又按羅泌路史國名紀，揚楊二國，雖行分列。然於揚國下云：“一曰：揚氏 震字記，趙氏之寧，晉春秋楊氏。二，漢揚縣，今晉之洪洞南十八，有故揚城。地道記，揚侯國。（云晉滅賜肸，郡縣志同。）”揚國下云：“侯也，宣王子，

幽王封之曰楊侯，其地平陽楊氏縣，漢之河東楊縣也。”羅氏於楊國，特說明爲周宣之子。而於揚國，則云春秋揚氏。子雲非託始於春秋，則其姓從木，較爲可信。山西平陽，卽古之河東 所屬之洪洞，近人著述，亦稱爲楊國。亭林精史地之學，身經遊晉。張埏於清乾隆間，曾入秦撫畢沉幕中，其地於晉爲近，皆言子雲之姓，非從手。又子雲自言系出伯僑，而氏揚者，雖亦言出諸伯僑，實則附會。此亦可證明者也。

是以我國之姓，雖有從手之揚，而楊雄之姓，則從木。